

萬載縣志卷之三

萬載縣知縣汪元采纂

風俗

古太史陳詩以觀民風上人因之以在治忽蓋導利整齊之機隨世異用而五方之民亦由是易嚮焉余蒞萬以來知其民淳漓相半華樸各異至今日急賦稅而歲內全完喜利濟而橋梁脩修視昔爲有加矣蓋孟嘗封薛俗多暴戾殷民三紀始見風移有易俗之責者是在端其所率耳

本縣舊屬筠後屬袁其室廬田畝半在山澗中且地萬載縣志

卷之三

風俗

一

居上游溪流澹窄陂灘鱗次致巨艦不得入而富商大賈亦少經其地魚鹽價值往往甚於他邑所懋遷者惟二三小販耳俗從朴素散詩禮勤稼穡市鮮遊俠鄉無惰民獨崇尚釋老好興淫祀隋地里志有云雖無蓄積亦鮮饑餒信巫鬼好淫祀君子善居室小人勤畊稼韓昌黎袁州謝表云州小地狹賦稅及時民安吏循閭閻無事黃山谷序道院賦云細民儉而健士夫秀而文無訟堂記云士力學知廉恥樂畊好儉嗇元學士虞集云山川秀土地肥饒人惟愿確易與爲善曾道院賦序云江西俗以終訟爲

能惟筠獨不囂於訟萬故屬筠習俗無異後乃漸不
古若府志載江淮記云囂者善訟以誣良善爲竒能
悍者悖公以拒賦稅爲得計則風斯下矣比者刁悍
之民每以明糧爲辭紛紛訐告有田無立錐而糧猶
在戶者有收除已明而架情築米者互相爭競庭無
虛日總因舊籍灰燼俗漸澆薄故也惟士習則勤勤
力學質有其文知廉恥無愧怍而狷介者流慎出處
樂隱遯常有徐孺子遺風至若名公鉅卿代不乏人
而科目視昔稍遜焉數十年來士夫一再傳輒零落
不無樂郤之感說者謂風氣使然若夫端士習而培

萬載縣志

卷之三

風俗

二

士氣使士皆敢行人盡孝義心術正而道德顯於豈
人品端而勛業施於世端有藉於維持風教云
按舊志載有民業民行禮節弊習豈序各條其習
則如吏胥暴收橫取掎剋鋤羨假義奉公官利其
賄賂任播弄鷹隼怙勢搆陷編民無知刻剝漸盡
致呻吟行惻謗黷繁興此有爲之言在嘉靖初年
已自若是而後乃仍弊襲舛民重困不堪延至今
日民窮極矣貪饕何處着力而私嚇其倍有之乎
又如民業則云亦以西北爲上鄉東北爲下鄉上
鄉土膏野沃民多豐裕下鄉土地瘠磽民稍窘急

此亦非定論也萬邑土曠人稀多募客佃初皆給以牛種飽則颺去所在沃土變爲瘠壤如書堂白水缺山界西峰大嶂等處非上鄉乎今迓里絕甲每遇追呼如鳥獸散其豐裕何在下鄉則如岐陽小澣藏溪皂山湖里等處田雖磽瘠多近水次且有樂林山障可佐輸將其在今日較之上鄉侶覺差勝總之力勤則瘠變爲饒游惰則饒變爲瘠常見有市民田連阡陌募客民佃畊歲收子粒以資贍養足經季不履田畝甚有紈袴之子不知田在

何處者欲其常處豐饒得乎所以時至徵輸辦糧則餬口不足貧乏無聊者比比是也又如民行則云井閭之眠爭趨訓課以試進取故儲材擢秀市里居多近大率仍古而村落人文間多蔚起如豐田皂山藏溪小澣石塘諸鄉亦濟濟多士至所云大與古戾者在昔重熙累洽之時豪民擁厚貲輒廣第宅盛服飾飲食奢侈靡知樽節今市井寥落原野蕭條卽士夫子弟鮮用羅綺衣冠朴素猶有存者惟二三游民紅緯高冠色服華舄作風流冶子甚至胥吏輿皂廝養之類相慕成風幾於士民

等威無辨此亦鴛鴦之風漸不可長也所幸市無倡優人無賭博而婦女不出街市不遊寺觀尤爲美俗可紀者近有釀金演戲名爲了愿寔荒生業或亦好事者之所爲乎至如禮節則云冠婚喪祭多無禮節信巫重釋喪用浮屠疾病緩於醫藥專祀祈禱近更繁文縟節競相趨靡甚則竭囊以茲浮侈好古者欲身率而導之反謂爲迂至於葬祭尤可憤悒惑溺風水停延至歲月幾十易漫不泚類及忌日生辰誼懽賓幕褻越無度獨婚嫁稍爲希曠恥於索聘初儀止交受庚書奩具亦稱家有

無兩家未有過責而今亦漸不古若矣然婚姻論閥閱而良賤之別嚴恩義長子孫而主僕之公定族有譜家有禁歲皆聚會有祠堂猶知統於所尊有少長咸集尊卑揖讓之風焉惟昔序則云邑在山溪問遇良辰佳節其興致亦不減前人間有琴書自娛不求聞達者凡所題詠皆能成一家言猶不失康樂故墟也爲雜記土風如左

元旦長少夙興盛服燃燭焚香禮拜上下神祇祖先後以次拜宗族隣里親識往來絡繹謂之賀歲通三日禁不食腥厨口必先歲皆料理三日口結草爲船

乘載飯團肉片蔬果物類盛備鼓吹導引江流謂之送窮

人日各家具香燭紙馬祀奉神祇謂之祀七

元宵社會方姓先期卜吉具標準斂財積粟值千百緡以迎神賽會預辦鰲山燈火屯置廟室燭燈熒煌響爆竹放起火花筒揣燈謎粧故事金樂鼓吹聲震雷鳴競相宴聚自十一至十五夜連宵達曙日將晚備香燭燒門神紙靜夜女婦迎竈姑問家事孩孺呼喧呶呶以禳鼠雀是月卜吉遣童稚出就外傅農夫糞田東事興作

萬載縣志

卷之三

風俗

五

花朝各塾學備茶果議束修午後設宴賓主盡歡而罷

清明男婦具饅蒸糕祭墓掃潔掛紙享畢而歸

四月八日僧尼浴佛寺僧爲黑黍齋果餽送施主

端午自朔至午日泛龍舟爭勝負觀玩園墻是日清晨男婦飲菖蒲雄黃酒懸旗艾插蒲葉戴色花剝角粽採藥草晡晡盛饌聯賞翁媪家及親舊遞送節儀頗盛

六月六日烘霉曬服

中元日救苦赦罪各家具酒饌焚經紙祀饗祖考

中爍惟士夫家多燕賞市民間亦數爲之

重陽登高會飲士類間爲之餘各舂米餼傳食而已
十月朔復拜墳如清明嘗

嫁娶多選冬季三時希有

臘月八日童男長髮童女穿耳二十四日掃舍宇媼
戚識故饋遺徃復尤盛除夕祭祖先粘門神換桃符
寫春對暮備餅茶齋儀祀竈夜設庭燎爆竹燒火列
殺團飲守歲以爲除舊更新

又按弊習有服莽輕生借命賴人或假毒恐嚇致
人畏之亦採莽自毒反至立斃者有借籍闕提捏

萬載縣志

卷之三

風俗

六

民爲軍駕良爲盜株連多人磨累仇家蕩產隕命
者有代人越訐裝捏重情上聳及按情理全虛反
致遠遁經季不結者甚有陰惡慘毒匿名歌謠傷
人骨肉敗人閨門污人名行坑官害民則皆珥筆
之流爲之崇其他如久停屍棺人鬼雜處多信形
家言窩容匪類則以土著人稀每逋逃畱爲庄佃
畜爲牧馬非被拐捲復逃則爲告關貽累諸如此
類不可盡舉返薄還醕是在後人與邑之賢者鄉
約家禁共申飭之特爲拈出以施針砭正不必爲
地方諱也

物產

萬土瘠确所產惟穀之屬間有竹木以佐輸將一切蔬果不及他邑在昔閩人樂安人相率開山插藍種苧致起甲寅之亂平定後各鳥獸散土著之民拙且惰寧棄置不毛教民樹藝固良吏事也如苦窳何哉攷諸舊志多侈物華以溢觀美然空有其名爾姑照昔存之

穀之屬

早稻 種最多極早者率六十日可穫俗呼為救公饑

中稻 有數種 晚稻

萬載縣志 卷之三 物產 七

糯稻 有早晚種甚多 黍 有黑赤白

稷 大麥

蕎麥 梗紅粒黑花白 粟

芣禾 畚地可種以性能耐 貳禾 收早稻之後復種佃

梁 芝蔴 有黑白二色

豆 有黃紅黑綠菀扁大小 蛾眉豆

貨之屬

絹 紬

土綾 已上古雖載今無 苧蔴

藤葛 用皮績紡成布 苧布 不白紡者名腰机 紡

簾絲布 以苧經絲緯而成 茶

木炭 石灰

紙 黃白二色 棕毛

蠟黃 白 桐油

茶油 蜂蜜

火紙 皮紙

蓆 簞

花之屬

牡丹 芍藥

桂 有丹黃色四季開香 盆梅

萬載縣志 物產 卷之三 八

金鳳 蓮 紅白

山礬 雪柳

荼蘼 菊 色類甚多

芙蓉 玉香毬

錦被堆 山丹

檉桐 綠萼

佛爪 錦帶

薔薇 雞冠

一丈紅 海棠

梔子 單可為藥重出為簷蔔

果之屬

梅

桃

杏梅一種兩名桃接梅枝者為杏桃梅接桃枝□為□

紅菱

石榴

楊梅

梨有秋冬熟者

芡

橘

木瓜

枇杷

棗

橙

柑

柿

凍棹

小者油可為□

太粟

萬載縣志

卷之三 物產

九

茅栗

李種最多

尖栗

鳧茈

茨菰

金橘

蔬之屬

笋春冬

蕨

芹

薯

芋

菘

芥

苦蕒

菘蓬

蚕豆

棕魚

□ 苳

茼蒿

王瓜

絲瓜

西瓜

甜瓜

豆角

瓠

莧
紅白

茄

□笋

波校

蔥

蒜

稍瓜

韭

薤

薑

葫蘆

蘿蔔

八稜瓜

萬載縣志

卷之三
物產

十

百合

藥之屬

香附子

車前子

蛇床子

白匾豆

麥門冬

何首烏

地骨皮

天南星

荆芥

山藥

葛根

苽蔓

香薷

蒼耳

木通

白□

草蓆

黃藥

白藥

芍藥 赤白

地黃

枸杞

草蓆

石楠

半夏

商陸

益母草

草之屬

蘭蕙

菖蒲

稗

燈草 丁為蓆

萍

莎

萬載縣志

卷之三 物產

十一

艾

藍

萱

芭蕉

木之屬

松

櫟

榆

柘

槐

栢

株

栗

烏柏

株

山棗

柳

皂莢

桐

梓

檀

鳳尾桑

樟

椿

血栢

柞

梧

黃楊

茶樹
子可為油

銀杏

白楊

桐
子可為油

冬青

竹之屬

笙

義

斑

方

萬載縣志

卷之三
物產

十二

筋

綠

紫

白
可為簞

筵

煙

箭

苦

實

黃柑

貓頭

禽之屬

喜鵲

鷓鴣

白鷗

鴛鴦

鷺鷥

鷓鴣

百舌

子規

竹雞

鸚鵡

野雞

錦雞

練雀

鶻鶻

鶯

一名倉庚

鶻燕

鸛

鳩

鶴

雉

啄木

烏

獸之屬

虎

鹿

萬載縣志

卷之三

物產

十三

麋

兔

猿

猴

豺

豹

狼

獺

熊

獼

山牛

玉面狸

野豬

豪豬

山羊

鱗之屬

龍

鯉

鰕

鮎

鯽

鱊

鰻

鱖

鯛

鱣

鯖

石鱈

烏鯉

黃魴

介之屬

龜

蚌蛤

螺螄

蟹

蝦

螯

萬載縣志

卷之三

物產

十四止

川山甲